


نومرو ۲۵ / 745



۱۵ جزیران ۳۲۷

آدرس :

اجتهاد اداره خانه سی :

شهر اماتی قارشیدنده داتره

مخصوصه در .

سنه ۴۰ ، نسخه سی

۲ غروشددر .

اجتهاد

آدره سر :

IDJTIHAD

Constantinople



اوچنچی سنه

آیده ایکی دفعه نشر ایدیلیر فنی ، اجتماعی ، ادبی ، سیاسی مجمرعه

صیدان شهادتک شرایط قبولی .

- ۱ شهادت نه دیمک اولدیفنی صینک ادراک و تعقل ایتسی ،
- ۲ شهادتی استماع اولنه جق صینک ازکک بولمسی ،
- ۳ صبی شاهدلر ایکی دن آز اولماق ،
- ۴ صبی شاهدلرک شهادتلرنده متفق بولملری ،
- ۵ صبی شاهدلرک تغیر واختفا ایتملرندن اول شهادتلرک ضبط ایدلمش اولماسی ،

۱ شهادت صیانک صیدان حقتده اولماسی .

۷ شهادت صیانک جرمه انحصار ایتمسی .

۸ مشهود بهک صغیر علیهنده اجرا اولمش جرم اولسی بنساء علیه بالغ بر کیسه نك بر صغیری ویا صبی بر چوجنک بالغ بر کیسه نی قتل ایتدیکنه دائر صیانک شهادتی قبول اولتماز . شو شرائطه موافق ضبط اولنان شهادتلرندن صبی ممیز اولان شاهدلر مؤخرأ رجوع ایتسه لر بیله رجوع علیه التفات ایدلر . ینه برنجی شهادتلری نظر اعتباره النور . تعدیل و تجریم لرینه باقیلماز . عداوت و قربتک مانع قبول اولوب اولیه جنی کی صبی انانک شهادتی رد و قبوله علما اختلاف ایتشلردر .

محمة نمیز اعضا-ندن

علی رشدی

مقاوله اجتماعیه

محرری : ژان ژاق روصو

ژان ژاق روصو فرانسه نك اختلال کبیرنی یاپان فکرلرک اوز آتاسیدر ؛ حقوق اساسیه حقتده کی تلقیاتی کو ستردیکندن بو اثری ترجمه ایدلشدر .

مقدمه . — انسانلری اولدقلری ، قانونلری اوله بیله جملگری صور واشکالده تدقیق ایدرک حیات مدنیده معقول وامین

طرزده اداره تحری ایتک ایسته یورم . بو یولده حق وعدلک مساعداتی ایله منافعت مقتضیاتی علی الدوام تألیف وتوحید ایتکک چالیشیق بدرقه حرکاتم اوله جقدر ؛ تاکه «حق» ایله «منفعت» تعارض ایده مسینلر . زمین تدقیقاتک اهمیتی توثیق ایتکسزین ایشه باشلا یورم .

« - بویله کنه سیاستله علاقه دار مباحث حقتده اجاله قلم اید یورسک ، سن کیم اولیورسک ؛ حکمدار میسک ، واضع قانون میسک ؛ »

دییه جکلره جوابم پک بسیطدر : - خیر نه حکمدارم ، نه ده واضع قانون ! وهیچ بری اولمادیغ ایچون بونی یازیورم . بویله برشی اولسه یدم ، پالماسی لازم اولان خصوصاتی سویلمکک ، یازمغه نه لزوم واردی ؛ اولنری یا یاپار ، یاخود اختیار سکوت ایدردم .

امر اداره مملکتده سسوزمک تأثیری نه مرتبه ضعیف اولدیفنی نظر دفته آلمایه رق حر بر مملکتک اولادی اولق مناسبتیه بوایشلره بنمده بر رأی ویرمکده کی حقم ، استکناه حقایق نظر مده بروظیفه حالنه قلب ایتکک کفایت ایتشدر .
→ ۱ ، موضوع کتیب . - انسان دنیایه حر اوله رق کلیر ، فقط باقلسه هر یرده زنجیر-بند اسارتدر ؛ فلان کندیی دیکرلرینک حاکی ظن ایدر ، حال بوکه تدقیق ایدلسین ؛ او ، اولنردن دهامقیددر . بوانقلابک صورت حدوثی نه در ؛ بیلمیورم . فقط بونی مشروع ایدن نه اولدیفنی مسئله سنی حل وفصل ایده بیاییم .

شاید نظر تدقیقه یالکز قوت ایله تأثیراتی آله رق یوروسه یدم شو طرز محاکمه پک طبیعی اولوردی : هر هانکی برملت اسارتده قالیر و اطاعت ایدرسه اصابت ایدر ؛ ینه هر هانکی یر ملت - ربه اسارتی نه قدر چاقی قالدیروب آتا بیله جک بر حاله کلیر و آتارسه ، دها زیاده اصابت ایدر . چونکه حریتی استرداد اید یور ،

شوقدر بر فرق ايله که حیات عالمده پدر چوققوری حقنده
پرورده ایتدیکی حب و مودت ايله متاعنی اونوتور . حیات
سیاسیهده ایهه حکمدار بوتون تبعهسی ایچون حس ایده -
میه چکی حب و مودته مقابل عمومه فرمان فرما اولمق ذوقیه
تسلطیاب حظوظ اولور .

غرو چیوس قوه حکومتک تبعهلهنه اولماسنی انکار،
واسارنی مثال اوله رق ایراد ایدر . ال ثابت اصول محاکمهسی
حقوق فعلیاته استناد ایتدیرمک مرکزندهدر [*] . ظالمده،
متغلبده بو طرز تبعیدن داها فائدهلی بر اصول فکریه
ایجادی قابل دکلدر .

بر صورتدهکه غرو چیوسه نظراً عموم نوع بشر یوزقدر
کشیک مالی، مملوکی میدر ؛ یوقسه او یوزقدر کشی ده نوع
بشردمیدر، بو نقطه مشکوک قالیور ؛ هر حالده غرو چیوس
برنجی شقه داها تمایل . هوب ده بو فکرده . یعنی نوع
بشر حیوانات سورولری حاله طاقم آیرلش ، هر
سوروی بر رئیس محافظه ایدیور . لزوم کوردکجه پارلامق
ایچون ! و ناصل بر چوبان سوروسنک فوقنده بر مخلوق
ایسه انسان سورولرینک چوبانلری ده تبعه لرینک فوقنده
بر خلقتدهدرلر .

فیلونک شهادتنه نظر آیمپراطور «قالیکولا» ده [*] عیناً
بویه محاکمه ایدر و « حکمدارلرک صفت ألوهیته یاخود
خلقک صنوف حیوانیته منسوب اولدقلری » فکرنی تعقیب
ایدردی .

قالیکولانک روح فکریله فلاسفه دن هوب و غرو چیوسنک
اصول استدلاللارنده بالنتیجه بر نقطه وحدت اولدینی
میداندهدر .

[*] حقوق اساسیه حقنده اجرا ایدیلن تدقیقات عمیقه علمییه
قدیم سوء استعمال سلسله لرینک تازیخی تأییدن باشقا بر نتیجه تولید
ایتیور .

[**] روما حکمدارلرندن الکخونخوار والکسرفی ، رزبل
ومجنون، بری . مظالمه قانامایه رق چوق کره «آه! رومه اهلینک
یاکنز بر یونی اواسه ده ، بروروشده کسه م ! » دیشدر .

وکندیسندن هانکی واسطه ايله غصب ایدلمش ایهه کدیسی ده
او واسطه ايله استرداد ایدیور . شو حالده هیچ شبهه یوقدرکه
یا بو استرداد حقلیدر ، یاخود اولکی غصب حقسزایدی .
حال بوکه نظام و انتظام جمعیت باجمله حقوق سائریه
اس اساس اولان بر حق مقدسدر .

مع هذا بو حق طبیعی اولمایوب مقاولاته مستنددر .
بو مقاولاتک نلردن عبارت اولدیغنی تقدیر ایده بیلیمک ایچون
اول امرده بعض مقدماتک تسجیلی اقتضا ایدر :

۲، ایلک جمعیتلر . - بتون جمعیتلرک الکقدیمی و یکانه
طبیعی اولانی جمعیت عالمده . حتی چوققورک بالارینه ارتباطلری
کندیلرینی محافظه ایچون اوکا محتاج اولدقلری زمان مدتیجه
استناد ایدر ، و بو احتیاج بر طرف اولغله برابر اورابطه
طبیعیه مختل اولور . چوققورلر پدرلرینه مدیون اولدقلری
وجیبه اطاعتدن مستخلص، پدر چوققورلری حقنده پرورده
ایتدیکی حس اهتمامدن آزاده اوله رق هرایکی طرف سیاناً
بر منطقه استقلاله داخل اولورلر .

متملاً بر یرده قایلرلر؛ انجق بو بر حال طبیعی اولمایوب
بر امر اختیار ایدر . حتی بالذات حیات عالمه دخی بر مقوله
نتیجهسی اولاراق دوام ایدر .

بومنوال اوزرینه تقید ایدن شو حریت مشترکه طبع
بشرک مقتضای ضروریسیدر . چونکه بشریته حاکم اولان
ایلک قانون، کندی محافظه سنی تأمین ایتمکدن عبارتدر؛ ایلک
اهتماماتی انجق کندی نفسنه بورجلی اولدیغنی مساعی پی تضمن
ایدر . سن رشده وصولیه برابر امر تحفظنی تأمین ایده جک
اک مساعد چاره لری کندیسی تقدیر ایده بیلجکندن کندی
کندینه حاکم خاص اولماسی پک دوغوردر .

بو صورتله حیات عالمه جمعیت سیاسییه نک نمونه اولنیدر
حکمدار، پدر عالمه ؛ افراد ملت، ده بو عالمه نک اعضایی
حکمندهدر . هپسی ده حر و مساوی اوله رق دوغمشلدر ،
بر قسمک حریتلرندن برقدار واز حکمه لری منفعللری حسابنهدر .

والیه مراجعت ایدرلر . والی ایشی تحقیق وجانیلری در دست ایتیه تشا ایدر جانیلر ، یوم تخایه لری نك ایرته سی کونی آمریقایه فرار ایتش بولونورلر . « مکتوب صاحبی بوراده صوریور : « بوسوء استعمال دکلای در ؟ و سیسز عاقسزمی در ؟ دیور . صوکره دوام ایدیور . » والی استیناف مدعی عمومیسنی صیقیشدیرر استجوابلر ، سواللر یابیلر . اوراق عدلیه کیدر ، مستنطق افندی فریح وفخوور حالامسلکنده مداوم »

« العدل اساس الملك » حکمتی نه قادر معلوم ، نه قادر مبدول اولورسه اولسون ینه تکرار ایده بیلر ، عدلیه ناظری نجم الدین بك فطین ودوربین بیرکنه چدر ، و بك چوق سنه لردن بری عدالت یوزینی پك آزکورمش واسع بر ایپراطورلغك عدلیه ومذهب اموری یالکیز اونك اوموزلری اوزه رنده محکم طوراماز ، امور عدلیه نك مشی طبیعی وقانونیسنی یالکیز عدلیه ناظری دکل عدالت محملری ده تسهیل ایدر . ایشه بو مکتوبك صاحبی ده حب عدالت یازیلمش اولان بوسطرلریله عدلیه و عدلیه ناظرینه یاردیم ایتش اولیور . برملکته حقسنزلغك وارلنی حقسنزلغك مسنور ومسکوٹ بر اقلیماسی ایکی عیب در .

علوم طبیعی لغتی

اعلان مشروطیت اخیره مزدن بری عالم مطبوعاتیز بو قادر عظیم وجدی بر اثرک ابتدای انتشارینی کورمه . مشدرلم صاحب تألیف اطباء بیطریه دن صبحی ادهم بك در . ایکی یوز فورمه یه بالغ اولاجاق بوقاموس طبیعتك ایلك فورمه سی اداره خانه مزه بو کون کلدی . درین

[۱] حقسنزلق کورنلرک وحق ایسته پنلرک شکوالری بوسرنامه آتنده استماع ونشر اولونور .

آرسطوده بونلزه بکزد بر صورتده انسانلرک طبیعه مساوی اولمادقلرینی ، بر قسم انسانلرک تابع ، حتی اسیر ؛ بر قسمک متبوع ، حتی مولی اولق اوزره دوشدقلرینی سولیشدر .

ارسطو ظاهراً حقلیدی ، آلداندینی نقطه اثری مؤثر اوله رق قبول ایتسی در . اسارت ایچنده دوغان آدم ، اسارت ایچون دوشمش اولیور . اسرا زنجیرلر ایچنده هر درلو امید معالی بی ، حتی بوزنجیرلری قیرمق ، اولردن قورتلق املنی دخی غائب ایدیورلر . طبیعه اسیر آدملره تصادف اولونیورسه بو برکره طبیعه مغایر اوله رق اسارت احداث ایدلمش اولماسندن ایلری کلپور . ایلك اسارت قوتك ضرب وقهری آتنده کرها وجود بولمش ؛ تمادیمی ایسه بوصفده حصوله کان جبانندن ، مسکندن ایلری کلکده بولونمشدر .

حیدر رفعت

محکمه انام [۰]

معموره العزیزده معلوم ومعمد بیر ذات طرفندن آلدیغمز مکتوبدن شو سطرلری استساخ ایدیورز : « بوندن دورت آی اول جوار کویلرک برنده بر ارمینی دیکربش آلتی ارمینی یکرمی اوتوز یرندن یارالادقندن باشقه مقک .. ینه برده قازیق صوقارلر . ایش خبر آنجه بدایت مدعی عمومیس کیدر ، تحقیق ایدر مجروحك افاده سندن جانیلرک کیم اولدنی آکلار ودرحال بوناری طوتدیرسه ، مرکز ولایته کتیروب محبسده کوندیرر . فقط ایرته سی کونی مستنطق حق افندی مجروحك بو اخبارینی کافی کورمه یوب حریفلری صالیورر . برهفته کچمه دن مجروح وفات ایدر ، اقربابی تکرار ادعایه کیریشیرلر